

**ՀԱՇՎԵՏՎՈՒԹՅՈՒՆ**  
**ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ**

**1. ԳՈՐԾՈՒՂՎԱԾ ԱՆՁԸ**

Ժաննա Անդրեասյան

**2. ԶԲԱՂԵՑՐԱԾ ՊԱՇՏՈՆԸ**

Հայաստանի Հանրապետության կրթության, գիտության, մշակույթի և սպորտի նախարար

**3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ**

Աստանա, 2024 թվականի հոկտեմբերի 14-16-ը

**4. ՀՐԱՎԻՐՈՂ ԿՈՂՄԸ**

Ղազախստանի մշակույթի և տեղեկատվության նախարարություն

**5. ԳՈՐԾՈՒՂՄԱՆ ՆՊԱՏԱԿԸ**

Հայաստանի Հանրապետության նախագահ Վահագն Խաչատրյանի Ղազախստան պաշտոնական պատվիրակության կազմում մասնակցություն Ղազախստանում Հայաստանի մշակույթի օրերին

**6. ՔՆՆԱՐԿՎԱԾ ԹԵՄԱՆԵՐԸ**

Համագործակցության ընդլայնում մշակույթի ոլորտում: Ղազախստանի մշակույթի օրերը 2025 թվականին կազմակերպելու հարցերը: Երաժշտարվեստի, թատերարվեստի, օպերային, բալետային արվեստի և կինոարտադրության ոլորտում համագործակցությունը համատեղ նախագծերի ձևաչափով ակտիվացնելու հարցեր: Ղազախստանի Ազգային թանգարանի Ոսկե մարդու հավաքածուն Հայաստանում ցուցադրելու հնարավորությունը քննարկելու հարցեր:

Համագործակցության զարգացում բարձրագույն կրթության և գիտության բնագավառում: Ղկիչաղական ձեռագրերի ուսումնասիրման հայ-ղազախական գիտական խումբ ձևավորելու և աշխատանքները սկսելու հարցեր:

Համայնքի հետ համագործակցությունը գիտության, կրթության և մշակույթի ոլորտում առավել խորացնելու հարցեր:

## **7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ**

2024 թվականի հոկտեմբերի 14-16-ը Հայաստանի Հանրապետության նախագահի պաշտոնական պատվիրակության կազմում մեկնել եմ Աստանա մասնակցելու Ղազախստանում Հայաստանի մշակույթի օրերի պաշտոնական բացմանը:

Գործուղման առաջին օրը՝ հոկտեմբերի 14-ին մասնակցել եմ Հայաստանի նախագահի և Ղազախստանի հայ համայնքի հետ հանդիպմանը, որի ընթացքում Հայաստանի նախագահը մանրամասներ է ներկայացրել Հայաստանի ներքին ու արտաքին քաղաքական, տնտեսական և հասարակական կյանքի ընդհանուր իրավիճակի և զարգացումների վերաբերյալ, զրուցել է միջոցառման մասնակիցների հետ և պատասխանել նրանց հուզող հարցերին:

Հոկտեմբերի 15-ի առավոտյան այցելել եմ Ղազախստանի ազգային թանգարան, ապա մեկնել Ղազախստանի մշակույթի և տեղեկատվության նախարարություն, որտեղ գործընկերոջս՝ Աիդա Բալանայի հետ հանդիպման ընթացքում անդրադարձել ենք հայ-ղազախական մշակութային համագործակցության հարցերին, ապա ստորագրել Հայաստանի Հանրապետության կրթության, գիտության, մշակույթի և սպորտի նախարարության և Ղազախստանի Հանրապետության մշակույթի և տեղեկատվության նախարարության միջև մշակութային-հումանիտար ոլորտում 2025-2026թթ. համագործակցության միջոցառումների ծրագիրը: Երկուստեք պայմանավորվածություն ձեռք բերվեց հետագայում ընդլայնել համագործակցության ուղղությունները՝ միջոցառումների ծրագրում ներառելով թատերարվեստի և երաժշտարվեստի նախաձեռնություններ, կինոարտադրություն, թանգարանային փոխանակումներ:

Շահագրգիռ քննարկման միջոցով երկուստեք կարևորվեց մշակութային համագործակցության ներուժի առկայությունը այն իրացնելու կարևորությունը:

Ղազախստանի մշակույթի և տեղեկատվության նախարար Ա.Բալանային հրավիրեցի Հայաստան՝ ներկա գտնվելու հաջորդ տարի Հայաստանում նախատեսվող Ղազախստանի մշակույթի օրերի միջոցառումներին:

Այդ հանդիպումից հետո մեկնել եմ Ղազախստանի Մաժիլիս և Հայաստանի նախագահի պատվիրակության կազմում մասնակցել Ղազախստանի խորհրդարանի՝ Մաժիլիսի նախագահ Երլան Կոչանովի հետ ընդլայնված ձևաչափով հանդիպմանը:

Նույն օրը մեկնել եմ Ղազախստանի Քալիբեկ Կունաիշբանի երաժշտական-դրամատիկական թատրոն, որտեղ մասնակցել եմ Սերգեյ Փարաջանովին նվիրված ֆոտոցուցահանդեսին, ապա երկու երկրների նախագահների մասնակցությամբ Ղազախստանում Հայաստանի մշակույթի օրերի բացման հանդիսավոր համերգին, որտեղ հանդես եմ եկել ողջույնի խոսքով՝ կարևորելով Հայաստանի և Ղազախստանի միջև մշակութային համագործակցության զարգացումը: Համերգային ծրագիրը, որը կատարում էին Հայաստանի պետական ջազ նվագախումբը և մեներգիչներ Ինգա Արշակյանն ու Գոռ Սուջանը, նվիրված էր Շառլ Ազնավուրի հոբելյանին: Համերգի ընթացքում հնչեցին նաև Կոմիտասի և Առնո Բաբաջանյանի ստեղծագործությունները:

Նույն օրը երեկոյան գործընկերոջս հետ մասնակցել եմ Հայաստանի նախագահի պատվին Ղազախստանի նախագահ Կասիմ-ժոմարդ Տոկակի կողմից կազմակերպված պաշտոնական ընթրիքին:

Հաջորդ օրը առավոտյան Հայաստանի նախագահի պատվիրակության կազմում այցելել եմ Ղազախստանի Հանրային կառավարման ակադեմիա, որտեղ Հայաստանի նախագահը ողջունել է ակադեմիայի պրոֆեսորադասախոսական կազմին և ուսանողներին՝ հանդես գալով Հայաստանի ընդհանուր նկարագրին նվիրված դասախոսությամբ, որի շրջանակներում ներկայացրել է նաև «Խաղաղության խաչմերուկ» ծրագիրը:

Պաշտոնական հանդիպումների շրջանակներում այցելել եմ «Աստանա հաբ» տեղեկատվական տեխնոլոգիաների միջազգային պարկ: Ղազախստանի թվային զարգացման, նորարարությունների և օդատիեզերական արդյունաբերության նախարար Ժասլան Մադիևի ուղեկցությամբ Հայաստանի նախագահի հետ շրջել ենք կենտրոնում, ծանոթացել արդիական ստարտափերին: Շրջայցի ավարտին համագործակցության հուշագիր է ստորագրվել «Թումո» կենտրոնի և «Աստանա հաբի» միջև:

Նույն օրը պատվիրակության կազմում այցելել են «Աստանա» Միջազգային ֆինանսական կենտրոն, որին ներկա էր նաև Ղազախստանի նախագահ Կասիմ-ժոմարտ Տոկաևը: Երկու երկրների նախագահները շրջայց են կատարել կենտրոնում և ծանոթացել նրա աշխատանքներին: Հայաստանի և Ղազախստանի նախագահների համատեղ շրջայցի շրջանակներում «Աստանա» Միջազգային ֆինանսական կենտրոնի տնօրեն Նուրխատ Կուշիմովը ներկայացրել է կենտրոնի գործունեության մանրամասները:

Նույն օրը կեսօրին առանձին հանդիպել են Ղազախստանի բարձրագույն կրթության և գիտության նախարար Սայասատ Նուրբեկին: Վերջինս ներկայացրեց Ղազախստանի փորձը բարձրագույն կրթության ոլորտում, մասնավորապես միջազգային հեղինակավոր համալսարանների մասնաճյուղերը Ղազախստանում բացելու, ստեղծված ակադեմիական հաբ-ի գործունեության, միջազգային հեղինակավոր բուհերի և Ղազախստանի բուհերի համատեղ գործունեության, պետություն-մասնավոր փոխգործակցության, պետության կողմից միջազգային հեղինակավոր բուհերին տրվող արտոնությունների մասին:

Ղազախստանի բարձրագույն կրթության և գիտության նախարար Ս.Նուրբեկը տեղեկացրեց, որ ներկայում Ղազախստանում 34 բուհ է գործում, ինչպես օրինակ բրիտանական Դե Մոնֆորտ և Քարդիֆի համալսարանները, կորեական Woosong համալսարանը, KAIST համալսարանը, Չինաստանի Պեկինի համալսարանը, հունգարական Debreset համալսարանը, Հոնկոնգի CityU, որտեղ սովորում են ոչ միայն Ղազախստանի, այլև ՌԴ-ի, Հնդկաստանի, Չինաստանի, Կորեայի ուսանողները: Նա նաև խոսեց բուհերի կոնսորցիումով աշխատելու մոդելի մասին՝ ընդգծելով, որ այն երկուստեք շահավետ է:

Շնորհակալություն հայտնելով գործընկերոջս այս հազեցած և բովանդակալից տեղեկատվության համար, նշեցի, որ մենք շահագրգիռ ենք այս ոլորտում համագործակցություն ծավալելու և փորձի փոխանակում իրականացնելու հարցում:

Տեղեկացրի, Հայաստանում կառուցվող Ակադեմիական քաղաքի հայեցակարգի և ընթացքի մասին: Նշեցի, որ մեզանում գիտության ոլորտի առանցքը համատեղ դրամաշնորհային ծրագրերն են և մենք կարևորում ենք, որ այդ համատեղ ծրագրերն իրականացվում են համալսարանների և գիտահետազոտական ինստիտուտների կողմից: Այն նպատակ ունի գիտական բաղադրիչը արմատավորել բուհական և համալսարանական համակարգում:

Գործընկերոջ տեղեկացրի, որ Հայաստանում՝ Երևանի պետական համալսարանում գործում է դազախական մշակույթի կենտրոն և ընդգծեցի, որ շահագրգիռ են հայկական մշակույթի և հայոց լեզվի կենտրոն ունենալ Ղազախստանի համալսարաններից մեկում: Միևնույն ժամանակ տեղեկացրի, որ արդեն իսկ այդպիսի կենտրոններ ունենք 15 երկրներում: Դրանք համատեղ ֆինանսավորմամբ իրականացվող ծրագրեր են:

Առանձնակի անդրադարձա ղվիչաղական ձեռագրերի ուսումնասիրման նպատակով ստեղծվող հայ-ղազախական գիտական խմբի ձևավորման հարցին:

Նույն օրը այցելեցի նաև երկու կրթական հաստատություն՝ «Սանա» մշակութային-ընտանեկան կենտրոն և «Ռիվյերա» միջազգային դպրոց: Երկու հաստատություններն էլ ձևավորվել և կառուցվել են պետություն-մասնավոր համագործակցության շնորհիվ և իրականացնում են կրթական, մարզական և մշակութային ծրագրեր, իսկ «Ռիվյերա» դպրոցը ապահովում է ամբողջական կրթություն՝ նախակրթարանից մինչև ավագ դպրոց, որն համապատասխանում է միջազգային չափորոշիչներին:

## **8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ**

- Ղազախստանում կայացան Հայաստանի մշակույթի օրերը:

- Մասնակցեցի Ղազախստանում Հայաստանի մշակույթի օրերի բացմանը, որին հանդես եկա ողջույնի խոսքով:

- Հանդիպում ունեցա Ղազախստանի մշակույթի և տեղեկատվության նախարար Աիդա Բալանայի հետ, որի ընթացքում պայմանավորվածություն ձեռք բերվեց ակտիվացնել համագործակցությունը երաժշտարվեստի, թատերարվեստի, օպերային և բալետային արվեստի, կինոարտադրության բնագավառում:

- 2025 թվականին Հայաստանում կկայանան Ղազախստանի մշակույթի օրեր:


- Պայմանավորվածություն ձեռք բերվեց մինչև տարեվերջ ձևավորել ղվիչաղական ձեռագրերը ուսումնասիրող համատեղ գիտական խումբ:

- Քննարկվեց Հայաստանում Ոսկե մարդու ցուցահանդեսը ներկայացնելու հնարավորությունը:

- Պայմանավորվածություն ձեռք բերվեց գիտության ոլորտում համատեղ դրամաշնորհային ծրագրեր և փորձի փոխանակումներ իրականացնելու վերաբերյալ:

- Այցելեցի «Սանա» մշակութային-ընտանեկան կենտրոն և «Ռիվյերա» միջազգային դպրոց:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԿՈՂ ԱՐԴՅՈՒՆՔՆԵՐԸ



**Ժաննա Անդրեսայան**

18.10.2024



Հավելված N 2  
ՀՀ վարչապետի  
N 326-Ն որոշման  
«Հավելված N 3  
ՀՀ վարչապետի 2018 թ.  
սեպտեմբերի 19-ի N 1230-Ն  
որոշման

Օրինակելի ձև

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը ՀՀ ԿԳՄՄՆ
2. Գործուղման մասին իրավական ակտի համարը ՎՈ 912-Ա
3. Անունը, ազգանունը, գրադեցրած պաշտոնը (մասնագիտությունը)  
Ժաննա Անդրեասյան՝ նախարար

(թվարկել՝ պատվիրակություն գործուղելու դեպքում)

4. Գործուղման վայրը՝ Ղազախստանի Հանրապետություն (Աստանա)
5. Գործուղման ժամկետները՝ 2024թ. հոկտեմբերի 14-16-ը
6. Գործուղման ծախսերի ֆինանսավորման աղբյուրը՝
  - 1) հրավիրող կողմի միջոցների հաշվին հատուցվող ծախսերը՝

- 2) պետական բյուջեի միջոցների հաշվին հատուցվող ծախսերը  
(ՀՀ կառավարության 2005 թվականի դեկտեմբերի 29-ի N 2335-Ն  
որոշմանը համապատասխան)

(ընդգծել ծախսերի փոխհատուցման տարբերակը)



ա. փաստացի կատարված ծախսերը հիմնավորող փաստաթղթերի հիման վրա՝  
դրանցով սահմանված չափով, բայց ոչ ավելի, քան ցանկով նախատեսված  
չափերը



բ. գործուղման անհատական իրավական ակտով տվյալ գործուղման  
փաստացի կատարված ծախսերի հատուցման պահանջի համաձայն

Ծախսի տեսակը		Ժաննա Անդրեասյան		Ընդամենը (հազ. դրամ)
Ճանապարհաձայն	Ավիաճառայության տեսակը	Էկոնոմ		
	Ավիատոմսի արժեքը (դրամ)	<b>281147</b>		<b>281.147</b>
Գիշերավարձ	Վճարը 1 օրվա համար (դոլար)	64.8		
	Վճարը 1 օրվա համար (դրամ)	25087		25.087
	Օրերի քանակը	2		
	Ընդամենը (դրամ)	<b>50174</b>		<b>50.174</b>
Օրապահիկ	Վճարը 1 օրվա համար (դոլար)	72		
	Վճարը 1 օրվա համար (դրամ)	27875		27.875
	Օրերի քանակը	3		
	Ընդամենը (դրամ)	<b>83624</b>		<b>83.624</b>
Այլ ծախսեր	Հակահամաճարակային նմուշառումների			
	Մուտքի արտոնագրի վճար			
	Այլ ծախսեր (նկարագրել)			
Ընդամենը ծախսեր (հազ. դրամ)		<b>414.945</b>		<b>414.945</b>

**Ծանոթություն:** Նախնական վճարվել է 448395 ՀՀ դրամ, ենթակա է վճարման 0 ՀՀ դրամ:

ԿԳՄՍՆ գլխավոր քարտուղար՝

*Հ. Մարտիրոսյան*

ՀԱՍՄԻԿ ՀԱԿՈՒՅԱՆ

